

NA NQATAXACPI NA ȲOTTA'A'T SHIȲAXAUAPI MAYI NETALEC ANA 'ALHUA

Na Hua'auchiguii N'aqtacpi

Cha'ayi qaȳaȳateeta de'eda huesochiguii nataxac, qataq da huo'o ca qai'ot ȳaȳamaqchiguii, qataq da nlagaxayic mayi huetalec ana 'alhua, chigoqchigui, qataq da 'eetec da qaica da huo'o ca napacalec ca lȳa, huo'otaq da qaȳacona ca lalamaxat i 'oonolec 'enauac na shiȳaxauasat.

Qataq qaȳaȳateeta da souaxat ca saqaȳaȳateelec lataxac, qataq da qaȳl'ina 'I da lataxac ca shiȳaxaua, da nachida da chigoqchigui da qai'otec ca qauem qataq da saqaiyacnapec na ȳale, ȳoqo'oyi namayipi sa ishit da pal da lavilȳaxac, qataq souaxat da qanasachigui nagui da qalapaxai da qaȳauotaique no'on llic na shiȳaxauasat, qataq naua aq naidauo na'axa'te mayi heutoigulo da 'enauac na shiȳaxauapi ȳataqta huesochiguii qanqoȳin, imeuo da lcolanaxa qataq da lachoxoyic, qataq sa ishit da qoȳinapega souaxat ca l'aqtac qataq souaxat ca l'amqaanataxanaxac.

Qataq iuen da ne'ena maichi lataxac na shiȳaxauapi ȳataqta qanpaxatalec qataq qai'ot ca llic, yaqto' ca shiȳaxaua sa ishit da l'ot ca sa lhuennataxa, huaa nachi ishit da dataȳa 'aguet cam sa ishit da dechoxonnataxan huo'otaq ca huetaiya' naq'en ca lȳa.

Qataq iuen da qalapaxai da qai'ot ca llic da yaqto' nhuoteeta't 'enauac na netalguete naua ȳotta 'a't 'ale'u.

Cha'ayi ne'ena ȳotta 'a't shiȳaxauapi mayi hueto'ot na huaxaȳa't nta'alpi, na mayipi mashi sogote da nasachigui da ȳirei da l'aqtac da 'enapec ȳataqa pi'ȳa'a ne'ena l'atchiguii maichi lataxacpi na shiȳaxauapi, qataq da maichi l'amaqchic i 'oonolec, qataq da lta'adaic naigui i 'oonolec, qataq da 'eetec na mavipi da qaica da huo'o ca napacalec ca lȳa, na ȳale qataq ana 'alo, qataq na mayipi l'axateec de'eda l'aqtac da yaqto' qai'ot ca llic da ȳaȳamaxai qanqoȳin na shiȳaxauapi qaica ca iueetac, yaqto' ca shiȳaxaua ȳataqta huesochiguii.

Qataq ne'ena nta'alpi mayi ȳalectau'a de'eda qai'ot, na mayipi ȳan da l'aqtac da 'enapec itauan da l'onataxanaxac nam huaxaȳa 't nta'alpi, da yaqto' ȳataqta qantela'a de'eda maichi lataxac nam netalguete naua ȳotta 'a't 'ale'u, qataq huesochiguii da l'ottac ca maichi laȳaanataxanaxac na shiȳaxauasat, qataq.

Qaȳaȳateeta da 'enauac ne'ena 'eeta'a't nhuennataxacpi qata ne'ena maichi lataxac na shiȳaxauapi, qataq da 'eetec da huesochiguii na mayipi, ȳataqta huo'o ca lta'araic naigui da ȳataqta qaipacchigui qai'ot, cha'avi maichi n'aqtac.

De'eda ima'a't ltaȳaxac na Nta'alpi

Lapaxai ne'ena n'aqtacpi mayi mashi qanasachigui da yaqto' mpaxatalec da maichi lataxac ma ȳotta't shiȳaxauapi, cha'ayi ȳataqta 'enauac da 'eeta'a't da lhuennataxan na mayipi, qaq ȳoqo'oyi iuen da 'enauac na shiȳaxauapi ȳotta'a't na l'aqtac n'aaxata 'a't, yaqto' i 'oonolec na mayipi hua'otaq na nocittagui ca l'onataxanaxac, ishit da nachi 'eetai' tatapigui lauel damayi, qataq ishit da huelec da l'ot, chigoqchigui naq'en ca paxaguenaxac, qataq da na paxaguenataxanaxac, qataq ipacchigui naq'en damayi, da ishit da nquigaxattashiguem ca l'ot cam qanayiuta'a 'alhua, qataq naua lȳa 't 'ale'u, da yaqtohuo'o da nuattonaguec qataq da qaipacchigui da qai'ot ivida'alo naua lȳa't 'ale'u mayi nataq'en nanettau'a de'eda, qataq naua lȳa't 'ale'u qanayiitalguete mayi hueto'oto da lamaxasoxonaxac ne'ena nta'alpi.

## ARTÍCULO 1

'Enauac na naaxat shiȳaxauapi na mayipi huesochiguii qataq 'eeta'a't da l'amaqchic qataq da 'enec qataq ȳataqta ȳaȳate'n naua lataxaco qataq nua no'o'n nvilȳaxaco, qaq ȳoqo'oyi iuen da i 'oonolec ȳataqta itauan ichoxoden ca lȳa

## ARTÍCULO 2

'Enauac na shiȳaxauapi ȳalectau'a 'enauac ne'ena lataxaguesat qataq da 'eetec da huesochiguii qanqoȳin namayipi mayi mashi qanasachigui qataq qoȳidelec ana'ana nede, qaica da huo'o ca qaiȳotauga 'enauac na shiȳaxauasat na'aictaga ca 'eetec ca l'ogueyaxac ȳale qataq 'alo, qataq naua l'aqtaqa nataq 'en da l'amqajnataxanaxac huo'otaq da 'eetec cam laȳaanec huo'otaq da 'eetec ca lȳa naȳaanataxanaxac, qataq cam chigoqta'a 'alhua, huo'otaq cam chigoxoigui, sallaxanec huo'otaq choxodaq huo'otaq cam lȳa lataxac.

Nataq'en sa ishit da huo'o ca qaiȳotauga huasoilec da llic ca laȳaanataxanaxac huo'otaq na ȳotta 'a't llic na lataxaguesat cam 'alhua mayi netaa ca shiȳaxaua, nachi 'en 'am da huo'otaq netaa ca 'alhua mayi nalamaxat qoȳittalec na alaqp i huo'otaq da chochi qaipataxalec da ilotague', qalaxayi sa ishit da ȳaqauga huo'otaq da 'ico ' noxonecpi hueto 'ot da lamaxasoxonaxac ca nta'a mayi ilotague que'eca 'alhua.

## ARTÍCULO 3

'Enauac i 'oonolec na shiȳaxauasat nhuanau'a da ntaunaguec da nachaalataxac, qataq ȳataqta huesochiguii, qataq ȳataqta qantela'a da nachaalataxac.

## ARTÍCULO 4

Qaica da huo'o ca 'ico' nlatac huo'otaq da chochi qaȳamaqtaq cha'ayi de'eda 'eetec ca nlatac huo'otaq da llic da chochi qaȳamaqtaq damayi nagui sa ishit da qaȳashiita da qai'ot.

## ARTÍCULO 5

Qaica da huo'o ca qaȳauo'o ca nhuaxanaguec huo'otaq da qai'ot ca ncoitaguec huo'otaq da saqaichidapec, qaica ca qoȳanaigui qataq saqaiyacnapec.

## ARTÍCULO 6

'Enauac na shiȳaxauasat sa ishit da qaillapeguem da huo 'o ca taigue, na 'aicta xa da ȳaqa 'a ca hueta 'a, qalaq qailo'oguet cha'ayi n'attau'a 'enauac na lataxaguesat.

## ARTÍCULO 7

'Enauac na shiȳaxauasat 'eeta'a't qaica da huo'o ca napacalec ca lȳa souaxat na ȳotta'at llic na nqataxacpi, sa ishit da qaiȳottacachi namayipi cha'ayi nachi 'eeta'a't da hueto'ot na ȳotta'a't nqataxacpi. 'Enauac 'eeta'a't da huoto'ot da ltelagtaxanaxac na nqataxacpi, qaica da huo'o ca qaiȳottapeuga huo'otaq da saqaipaguelec ne'ena n'aqtacpi mayi qoȳittai.

## ARTÍCULO 8

'Ennauac na shiȳaxauasat ishit da l'ot ca llic ca l'aqtac da ȳaneu'a na aloico l'o'pi nta'alpi mayi ilotague' cam 'alhua, da yaqto' ca mayi qanpaxatalec sa ishit da qan'aqchit cha'ayi mashi n'attau'a na nqataxacpi mayi l'ot da qailo'oguet camayi, mayi n'attalecpi que'eca 'alhua.

## ARTÍCULO 9

Qaica da huo'o ca chichi qaȳacoolec da qaicoi', qaȳapou'a, huo'otaq da qai'odauec nachi ca llalaqp i, cha'ayi ca mayi huo'o naq ' enec da yi'oqchigui nachaalataxac, yoqo'oyi iuen da qaȳaȳamaxatchiguii ca qai'otec, huo'otaq qai'otec ca lȳalataxac mayi ishit da mpaxatalec da lataxac ca mayi. 'Enauac na shiȳaxauasat sa ishit da huo'o ca qaillapeguem da huo'otaq l'ada't ca laȳipi da yaqto' nachajlec qataq da deqalaec cam 'eetapeguec camayipi.

## ARTÍCULO 10

Enauac na shiȳaxauapi ishit da huo'o ca l'ot, cha'ayi namayipi nachi 'eeta'am na laȳipi, da ishit da qan'axaȳaxana ca 'enapec, qataq da qai'otec cam ȳaȳamaqchiguii lataxac, huaa qanqoȳin ca ȳaqauga l'onataxanqa' nam loicnatac na aloicpi, mayi ȳaqauga da yaqto' qaȳaȳamaxaji ca llic da lataxac camayi, qataq cam ishit da l'ot lataxac, huo'otaq da qanmit cam negue't ca lataxac mayi qaȳaqtapeguelec camayi, mayi iuen da qaidolec nam lataxacpi mayi l'ot ca llic na lasouaxashitpi.

## ARTÍCULO 11

Enauac na shiȳaxauapi mayi huo'o cam chochi qaȳasaqtapeguelec ishit da chochi qampaxatalec da huo'otaq saxanaxa da ȳoqta qaȳaȳateeta cam lasouaxashit da 'eesa, qaipacchigui ca 'enapec nam nqataxacpi qataq da llic da qanmit camayi, da huo'otaq saxanaxa da ȳoqta qaȳaȳateeta da ishit da dataȳa'aguet cam qaȳasaqtapelec lasouaxashit camayi.

Saishit da huo'o ca qaȳauo'o ca nhuaxanaguec souaxat cam l'ot, huo'otaq da huo'o ca lataxac saipaguelec, da huaqchigui da huo'o ca qai'ot mayi saishit da 'iso' na'aqchit nam lataxaguesat, mayi ishit da ȳashiita cam qanayiuta'a 'alhua huo'otaq cam lȳa 'alhua. Nataq'en saishit da qaȳasaxalec ca nhuaxanaguec lta'adaic mayi sanatenguet da lataxac co'ollaq qaitaxaȳapigui que'eca lasouaxashit.

## ARTÍCULO 12

Qaica da huo'o ca qai'igueeta'a da huo'o ca qai'otec salataxac da lalamaxat nachaalataxac, huo'otaq na llaaqpi, qataq ca lma', qataq da qaimeten aca lede, huo'otaq da qaishigueeta'a da no'on lataxac camayi, huo'otaq da no'on n'aqtaguec cha'ayi 'enuaac na shiřaxauapi iuen da ntela'a qanqořin na lataxacpi mayi l'ot na llic cam chochi nshiguenataxanaxac huo'otaq nshiunaxanaxac.

## ARTÍCULO 13

'Enauac na shiřaxauapi ishit quenhuotapigui' qaica ca 'eetega qataq ishit da maichi lca'aique cam naa que'eca 'alhua mayi hueta'a.

'Enauac na shiřaxauapi ishit da ca'ai cam hueta'a 'alhua, nachi 'en'am cam hueta'a ishit da huo'o tařa lřa 'alhua, qataq ishit da řl'iguelaxa cam chigoqchiguina 'alhua.

## ARTÍCULO 14

Da huo'otaq huo'o ca qaicaatac, qalaq 'enuaac na shiřaxauapi ishit da nmitaique ca lli'iguenqa', qataq iuen da řataqta machigui qanqořin, nai'ctaxa cam hueta'a 'alhua.

Qalaxayi de'eda lataxac saishit da qai'ogoxona da huo'otaq qařatařa'aguet ca l'ot nam loicnatac na lataxaguesat, da huo'otaq řataqta 'eesa cam qai'ot nasouaxashit huo'otaq cam lřa lataxac mayi datařa'aguet name lataxacpi mayi nasachigui co'ollaxa nam řotta 'a't nta 'alpi mayi huaxařa't.

## ARTÍCULO 15

'Enauac na shiřaxauapi ishit, da nanedeuo cam hueta'a 'alhua.

Qaica da huo'o ca ishit da saqařashinem da nanedaxac cam hueta'a 'alhua, huo'otaq da nadalaxat da nanedeu'a ca lřa'alhua mayi sa ishit da lma'.

## ARTÍCULO 16

'Enauac na řale qataq ana 'alo da ivita da mashi řl qalaq ishit da saqaillapeguem ca l'ot souaxat da nřomshaxac huo'otaq cam chigoxoigui huo'otaq souaxat ca l'amqajnataxanaxac, nachi sa qařashinem da huadon uo'otaq da řauo'o na llaaqpi, huo'otaq da saqařalemaxat de'eda ladonaxac, da a nca'altaic ca mayi, huo'otaq da nalte' aca lhua.

Nachaqdata da řoqta huesochiguini camayi huo'otaq da řataqta řařamaxadeeta ca l'ot, nachi ishit da qaltaq huadon.

Cha'ayi ne'ena huadoota'a'tpi qataq na llaaqpi namayipi nachina na qanayiutapeguelec qataq nachina na 'ico'nllitai 'enuaac na shiřaxauapi cam qanayiuta'a qataq namayipi iuen da řataqta qampaxatalec que'eca qanayiuta'a 'alhua.

## ARTÍCULO 17

'Enauac nashiřaxauapi ishit da řauo'o na maiche lalamaxatpi, huo'otaq da nhuaata'ai' ca lřa.

Qaica da huo'o ca chochi qařacořlec da qaillapeguem ca maichi lalamaxat.

## ARTÍCULO 18

'Enauac na shiřaxauapi saishit da qaillapeguem da huesochiguii lataxac da lhuennataxac, huo'otaq da lavilřaxac qataq ca l'amqajnataxanaxac, nataq'en saishit da qaillapeguem da nadalaxat cam l'amqajnataxanaxac huo'otaq da lpi'iřaxac, nataq'en saishit da qaillapeguem da řachaxan ca lpi'iřaxac huo'otaq da l'amqajnataxanaxac, nai>>ctaxa da 'oonolec camayi hue'otaq da huaxaiguet na lařipi, nachi 'en'am da řataqta nachaxaata huo'otaq da saishit da nachaxaata, souaxat da napaxaguenataxanaxac, qataq da llic da huo'o ca l'ot, huo'otaq da řataqta ilotelec da llic cam l'amqanataxanaxac.

## ARTÍCULO 19

'Enauac na shiřaxauapi saishit da qaillapeguem da l'axat da lhuennataxac huo'otaq da huo'o ca l'aqtac; qaq de'eda 'eetec da saishet da qořinapega damayi ivida'a nataq'en da saishet da huo'otaq saqařalemaxat camayi souaxat cam lhuennataxac mayi l'axateec co'ollaxa, qataq saishet da huo'otaq qanmittac, qataq camayi ishit da huo'o ca l'axateec lhuennataxac, na'aictaxa da qařoqtegeu ivida'a ca lřa 'alhua, qataq ishit da řachalec aca camachaqca lmalate na na'axařaxacpi.

## ARTÍCULO 20

'Enauac na shiřaxauapi ishit da řalegueu'a da huo'o na ntaxařaxac, huo'otaq da řalegoigui da huo'o ca naneda't shiřaxauapi, da l'ot da llic cam 'eetapeguec řařamaqchiguii.

Qaica da huo'o ca chochi nařamaxalec da nanedeu'a qanqořin da huo'oi ca naneda't shiřaxauapi.

## ARTÍCULO 21

'Enauac na shiřaxauapi ishit da do'onoataxaneu'a da l'onataxanaxac ca nta'a mayi ilotague' ca 'alhua cam hueta'a, ishit da maichi huapegue' da detaxařapegue' ca nta'a, huo'otaq da řauota'a ca ltaxařanexanec mayi maichi lca'egueshic.

'Enauac na shiřaxauapi saisnit da qaillapeguem da huo'o ca inoxoneu'a cha'ayi nachi 'eeta'am 'enuaac na lařipi shiřaxauapi da ishit da huo'o ca lo'onataxanaxac que'eca 'alhua mayi hueta'a.

Da lasataxac 'enuaac na shiřaxauapi nachida da l'ot da l'aaxac ca nta'a mayi ilo'ogue 'enuaac namayipi, de'eda nasataxac damayi da qai'ot qalaq řataqta qařařamaxatchiguii da nallida't qanqořin, qataq da qařahuo'oi naua laloqo'te qanqořin de'eda allitaxac, de'eda allitaxac l'ot da qařatalec cam dauegaxan řaguec na nale, qataq saishit da qařauaachigui qanqořin cam nallij i 'oonolec, huo'otaq da qařahuota'a cam lřa lataxac da huo'o ca qanallijlec da qařahuotaique da nta'a, mayi nataq'en řařamalechiguii.

## ARTÍCULO 22

'Enauac na shiřaxauapi mayi řalectaigui cam lařipi ca hueta'a, namayipi ishit da qařauo'o aca lashieu, qataq na llaaqpi, qataq ishit da qařanem da ivita da iřaxanaique. Chigoqchigui qanqořin aim laponguishi anom mayi ilotague' ca nta'a mayi ilotague' que'eca 'alhua, huo'otaq ana chigaqa'a na lařipi nta'alpi naua lřa't 'ale'u, mayi qařamaxatchiguii da llic da ilo'ogue ne'ena nta'alpi, 'enuaac ne'ena shiřaxauapi iuen da řataqta machiguini qanqořin qataq ishit da nhuanau'a de'eda nsallaxa qataq da řalecta'aguet 'enuaac na lařipi, qataq da maichi lataxac na mayipi, qataq 'enuaac na lhueneguesat da nachaalataxac qataq qaica ca 'eetega da l'ot da maichi laaxataxac da maichi nachaalataxac.

## ARTÍCULO 23

'Enauac na shiřaxauapi ishit da řauo'o ca l'onatac qataq da maichi lca'aique ca ishit da l'ot l'onatac, qalaxayi nalochiguii qanqořin da lashiichiřaxac qataq řataqta řařamaxadeeta qataq qaiqataxana'l da saishit da huo'o ca na'aq nachi qaica ca l'onatac camayi.

'Enauac na shiřaxauapi saishit da huo'otaq qalca'atagui da qai'ot ca nshiitenaguec ca l'onataxanaxac, da lashiichiřaxac nachi 'eeta 'am na leřipi.

'Enauac na shiřaxauapi mayi do'onataxaatac iuen dařataqta nalochiguii qancořin da nshiitenaguec qataq řařamaqchiguii qanqořin qataq qaipactelesc nachi 'en'am na llaaqpi, de'eda nshiitenaguec nateeteguet qanqořin da no'on lataxac camayi qataq řataqta qanaloqteeta't da ivita ca laloqo', huo'otaq da iuen da qařamaxaji cam saxanaxa da ime, huo'otaq ca lřa lataxac mayi ishit da mpaxatalec da lataxac camayi.

'Enauac na shiřaxauapi ishit da l'ayii da llic da no'onataxanaxac huo'otaq da nanedeu'a ca lřa ilotague' da no'onataxanaxac da yaqto' ishit da qaiuejlec da l'onataxanaxac.

## ARTÍCULO 24

'Enauac na shiřaxauasat sa ishit da qaillapeguem da nmataxac, qataq ishit da huo'o ca lřa l'ottac da řl'imaqta, qataq naua loga'te da l'onataxanaxac naloteguet qanqořin cam l'ottac, qataq naua laloxoqui' da nmateec qanqořin qaishiite'n.

## ARTÍCULO 25

'Enauac na shiŷaxauasat iuen da ŷataqta nalochiguii qaica da huo'o ca iueetac qanqoŷin, nachi 'en'am na llalaqpi, no'oita qataq ŷaŷamaqchiguii, sa ishit da iueetac ca aloq qataq qaitaunec ca lŷa ntaunaxanaxac, nataq'en iuen da qaiqataxana'I aca nshiitenaqte da ivita da qaica ca l'onatac, huo'otaq da sano'on, huo'otaq da sada' aiigue, huo'otaq da pa'aic, qataq da mashi ŷa'axaiqui, huo'otaq da huaigui ca lŷa lataxac, huo'otaq da deqat ca chigoqtapoigui na lhueneguesat ŷasouaxat cam negue't ca lataxac mayi sa ishit da lhuennataxa ca mayi.

Da 'eetec aca 'alo da deco'o qataq na nogotolec iuen da ŷataqta qantela'a qataq qanayiuapegue'. 'Enauac na nogotolec mahyi chigoxoiguilo caua namoxo'u huo'otaq da ŷaqa'a aca chigoxoigui namayipi 'enauac 'eeta 'a't iuen da ŷataqta qantela'a.

ARTÍCULO 26

'Enauac na shiŷaxauasat iuen da ŷataqta napaxaguen, qalaxyi de'eda napaxaguenataguec sa ishit da ishiiten imauec de'eda hua'auchiguii napaxaguenataguec da yaqto' ŷaŷate'n naua llico na hua'auchiguii naŷaaneguesat. Ne'ena hua'auchiguii naŷaaneguesat iuen da ŷoqta qalapaxai da qai'ot. Da qalapaxai ca llic ne'ena ŷotta'a't naŷaaneguesat qalaq iuen da qaica ca ichiŷauga, qataq da qananedeu'a ne'ena qaŷoqotchiguemec naŷaaaneguesat qalaq qaica da huo'o ca qaiŷotauga, qalaxayi nataq'en iuen da qailoteguet cam ŷoqta 'eesa sa ivi' da nqat ne'ena naŷaaneguesat.

Qataq 'enauac ne'ena napaxaguenataxanaxacpi iuen da ŷoqta naaxat naq'en da lauattonaxanaxac na shiŷaxausat qataq ŷa'anaqchitec cam lataxac mayi ishit da l'ot qataq da huesochiguii naq'en namayipi, nataq'en itaunec da ŷaŷateeteguet na lataxacpi, qataq da 'eetec da qanhualaxaine' ca nŷa qataq da 'eetec da nhuoteeta't na netaiguete naua ŷotta't 'ale'u, qataq 'enauacna ŷotta 'a't na l'aqtac huo'otaq ca l'amqajnataxanaxac, qataq da qalapaxai ca llic na l'otpi na ŷotta'at nta 'alpi mayi naneeta'a't da yaqto' lactapiguii na shiŷaxauasat.

Nam huo'o na llalaqpi ishit da maichi lca'ateu'a ca lataxac da napaxaguenatageuc na llalaqpi.

ARTÍCULO 27

'Enauac na shiŷaxauasat ishit da maichi chigoqchigui da ŷalegueu'a 'enauac na maichi lalamaxat lataxac cam netaigui shiŷaxauapi, qataq 'enauac na ŷaŷamaqchiguii lataxagesat na lalamaxat layaanecpi mayi ishit da ŷaŷamajni camayipi qataq ishit da ŷaconguet ca chigaqaigui.

'Enauac na shiŷaxauasat iuen da qantela'a cam lalamaxat laŷaanec, huo'otaq ca yi'oqchigui lalamaxat mayi chigaqaigui ca l'ottac laŷaanec, huo'otaq da l'ottac ana nere, huo'otaq na no'on ne'enaqtacpi mayi maichi lalamaxat l'onatac.

ARTÍCULO 28

'Enauac na shiŷaxauasat ishit da qai'otec ca llic da yaqto' qaica ca machicague't da ivida'alo naua lŷa't 'ale'u, mayi qailotaqueta mayi nataq'en ividaugalo 'enauac ne'ena nqataxacpi mayi mashi qanasachigui, yaqto' ŷataqta qaipacchigui da qai'ot 'enauac ca 'enapec.

ARTÍCULO 29

'Enauac na shiŷaxauasat ishit da huo'o ca l'ottac cam hueta'a, cha'ayi nachicata cam hueta'a mayi huesochiguii da huo'o cam l'ottac qataq sa ishit da qoŷiitega.

Da ivita da huo'o ca ŷacoolec da l'ot huo'otaq cam lŷa lataxac mayi sa ishit da illapec da qai'ot ne'ena nqataxacpi, qalaq 'enauac na shiŷaxauapi ishit da qai'ot ca ŷashiita ne'ena nqataxacpi yaqto' ca mayi nataq'en ishit da huo'o ca qai'ot, qataq da qaipacchigui da qai'ot ca lataxac ŷaŷamaqchiguii, yaqto' 'enauac na shiŷaxauasat qaica ca machicage't qataq sa ishit da huo'o ca qoŷiitega.

N'ena nqataxacpi qataq da nataxac mayi huesochiguii, sa ishit da qai'onataxana da huo'otaq qaŷataŷa'aguet cam 'eetapeguec qataq nam l'auaxanec lataxac mayi lapaxai na ŷotta'a't nta'alpi mayi nanetta 'a't.

ARTÍCULO 30

Qaica qome da huo'o ca 'oonlec ne'ena nanettai mayi qanasachigui da qoŷinac chigoqchigui da l'ot ca l'aqtac ca camachicague't na nta 'alpi, da huo'otaq huo'o ca ŷanem shiŷaxauapi huo'otaq ca 'oonolec namayipi da yaqto' huo' ca ishit da ŷacoolecda l'ot, huo'otaq da ŷaueca'a't ca laŷipi da yaqto' nlaxaji ca 'oonolec ne'ena nqataxacpi, huo'otaq da nlaxaji da nataxac mayi huesochiguii, mayi mashi nasachigui qataq lapaxai.